

Budžet za građane 2020. godina



U BiH lokalna samouprava jedan je od osnovnih oblika vlasti na čijem nivou građani mogu neposredno ostvariti svoje pravo u donošenju odluka i uticati na vođenje javnih poslova.

Općina kao i jedini oblik ostvarenja lokalne samouprave definisana je ustavom Federacije Bosne i Hercegovine.

Najvažniji dokument općine je budžet koji predstavlja plan prihoda, rashoda i izdataka koje donosi Općinsko vijeće za jednu fiskalnu godinu. Novac kojim raspolažu institucije vlasti na svim nivoima u svojim **budžetima** je novac građana. Prihodi od budžeta dolaze od građana kroz poreze (na prodaju roba i usluga, dohodak, plaće, i imovine, ...) i plaćanje raznih taksi i naknada.

Budžet je ključni instrument pomoću kojeg Općina provodi svoju politiku u djelo. Godišnji budžet koji usvoji Općinsko vijeće je obično veoma kompleksan dokument koji je teško razumljiv velikom dijelu javnosti i upravo zbog toga smo se opredjelili da uradimo budžet za građane kako bi istima pomogli da razumiju budžet.

Budžet za građane predstavlja jednu vrstu pojednostavljenog budžeta i kreiran je tako da bude dostupan i razumljiv većem dijelu populacije.

Budžet Općine Banovići za 2020. godinu iznosi **12.970.290,00 KM**.

BUDŽETSKI PROCES I BUDŽETSKI KALENDAR

Budžetski proces se zasniva na analizi ostvarenja prihoda u proteklom periodu, smjernicama ekonomske i fiskalne politike Tuzlanskog kantona, programa rada Općinskog načelnika, prioritetnim ciljevima i poslovima iz nadležnosti Općine Banovići, planiranim projektima i programima.

Budžetski kalendar definisan je Zakonom o budžetima u FBiH a u skladu je sa programom rada Općinskog vijeća Banovići i Općinskog načelnika.

Aktivnosti oko izrade budžeta počinju već u februaru tekuće godine pripremnim radnjama za izradu dokumenta okvirnog budžeta (DOB) koji se usvaja najkasnije do kraja juna tekuće godine. Dokument okvirnog budžeta služi kao osnova za izradu nacrt budžeta za narednu godinu. Do 15. jula tekuće godine Služba za budžet šalje instrukcije korisnicima budžeta da dostave svoje zahtjeve za dodjelu sredstava iz budžeta i isti su dužni svoje zahtjeve dostaviti do 15. avgusta tekuće godine.

Nakon toga se pristupa izradi Nacrta budžeta i isti Općinski načelnik do 5. novembra prosljeđuje Općinskom vijeću na usvajanje. Općinsko vijeće Banovići utvrđuje Nacrt budžeta i upućuje se na javnu raspravu gdje svi zainteresovani pa samim tim i građani mogu dati svoje primjedbe i sugestije.

Nakon završene javne rasprave primjedbe i sugestije se sumiraju i Općinski načelnik utvrđuje prijedlog budžeta i proslijeđuje ga na usvajanje. Općinsko vijeće usvaja budžet koji se potom objavljuje u službenom glasniku Općine Banovići.

Budžet Općine Banovići za 2020 godinu iznosi 12.970.290,00 KM.

Općina Banovići prvi put radi budžet za građane koji je pojednostavljen prikaz određenih dijelova budžeta. Budžet za građane namjenjen je svim građanima koji žele biti obavješteni o planovima lokalne samouprave i predstavljen je u pristupačnom formatu, koristi jednostavan i jasan jezik koji mogu svi razumjeti.

KAKO SE PUNI BUDŽET OPĆINE BANOVIĆI

- **PRIHODI I PRIMICI U BUDŽETU OPĆINE BANOVĆI ZA 2020 . godinu-** planirani su u iznosu od **11.770.290,00 KM** i to prihodi u iznosu od **11.704.790,00 KM** a primici u iznosu od **65.500,00 KM**.

- **POREZNI PRIHODI**-planirani su i iznosu od **4.411.080,00 KM** (prihodi od imovine,porez na dohodak,PDV-a) koji se u skladu sa propisanim kriterijumima dijele između lokalnog i viših nivoa vlasti. **Na ove prihode lokalna zajednica ne može uticati.**

- **NEPOREZNI PRIHODI**-su planirani u iznosu od **5.469.960,00 KM** (prihodi od koncesije,prihodi od iznajmljivanja zemljišta i poslovnih prostora,prihodi od taksi i naknade,vlastiti prihodi budžetskih korisnika idr.).Na ove prihode lokalna zajednica može uticati.

- **PRIMLJENI TRANSFERI**-od ostalih nivoa vlasti planirani su u ukupnom iznosu od **1.823.750,00 KM** i to su sredstva koja općina namjenski dobija.

**TRANSFER-
DOZNAKA
SREDSTAVA SA
JEDNOG NA
DRUGI NIVO
VLASTI**



Prihode po osnovu primljenih tranfera
općina uglavnom ostvaruje od budžeta TK,
budžeta Federacije a ponekad i od različitih
fondova zavisno od **kombinovanih** projekata.

RASHODI, IZDACI I FINANSIRANJE ZA 2020. godinu- planirani su u ukupnom iznosu od **12.970.290,00 KM**. Višak rashoda nad prihodima u iznosu od **1.200.000,00 KM** u budžetu za 2020 . godinu, planiran je da se pokrije ostvarenim viškom prihoda iz ranijih godina u iznosu od **1.200.000,00 KM**.

KAPITALNI IZDACI-

Izdaci za nabavku imovine čiji je vijek trajanja duži od godinu dana (izgradnja i asfaltiranje puteva, vodovoda, kanalizacije, poslovne zone itd.)



Kapitalni projekti uključuju usluge projektnog planiranja, radove i nadzora a listu kapitalnih projekata radi kordinacioni tim formiran od strane Općinskog vijeća.

Listu kapitalnih projekata usvaja općinsko vijeće Banovići.

U budžetu općine Banovići za 2020. godinu planirani su kapitalni izdaci u ukupnom iznosu od 3.704.810,00 KM.

IZDVAJANJA U OBLASTI POLJOPRIVREDE

Općina Banovići za 2020. godinu planirala je izdvojiti sredstva u ukupnom iznosu od **190.000,00 KM** na ime subvencija za obrt, poduzetništvo i poljoprivredu. Od ukupno planiranih 190.000,00 KM na ime subvencija za mlijeko planirana su sredstva u iznosu od 40.000,00 KM, što je za 33,33% više u odnosu na planirana sredstva u 2019. godini.



STPENDIRANJA STUDENATA I ĐAKA

Iz budžeta općine Banovići se dugi niz godina isplaćuju sredstva za stipendiranje studenata i đaka.

Te je i za 2020. godinu planirano da se za ove namjene izdvoje sredstva u iznosu od 75.000,00 KM. (po 100,00 KM za 50 studenata i po 50 KM za 50 đaka –za 10 mjeseci).

Dodjela stipendija se vrši putem konkursa a bodovanje primljenih zahtjeva vrši komisija koju je formiralo Općinsko vijeće. Bodovanje se vrši na osnovu Pravilnika koje je donijelo Općinsko vijeće Banovići.



NAKNADA PORODICAMA ZA ROĐENJE DIJETETA

Kao i prethodnih godina Općina Bnovići je u svom budžetu za 2020. godinu planirala sredstva u iznosu od 50.000,00 KM na ime naknade porodicama za rođenje djeteta. Sredstva se dodjeljuju u iznosu od 200,00 KM za rođenje djeteta a služe za opremu novorođenčeta.



ISPLATA ZA UČENIKE PRVIH RAZREDA OSNOVNIH ŠKOLA

Općina Banovići će i u 2020 godini nastaviti da isplaćuje sredstva u iznosu od po 100,00 KM za sve učenike prvih razreda osnovnih škola.

U budžetu općine Banovići za 2020 godinu za ovu vrstu isplata planirana su sredstva u iznosu od 27.000,00 KM.



GRANTOVI POJEDINCIMA-STRUČNO OSPOSOBLJAVANJE

Općina Banovići već dugi niz godina iz budžeta isplaćuje sredstva za stručno osposobljavanje lica (ranije volontiranje) koja se posle završenog fakulteta nalaze na evidenciji biroa za zapošljavanje.

Za 2020 godinu, u budžetu općine Banovići su za ovu namjenu planirana sredstva u iznosu od 100.000,00 KM.

PRIJAVITE SE

KONKURS



PREKVALIFIKACIJE I STRUČNO OSPOSOBLJAVANJE

STRUČNO OSPOSOBLJAVANJE PREKVALIFIKACIJE I

OSTALI RASHODI BUDŽETA

Pored naprijed navedenog u budžetu općine Banovići su u 2020 godini planirana sredstva za bruto plaće i naknade zaposlenih, izdaci za materijal, sitan inventar i usluge, sredstva za finansiranje sporta, za obilježavanje značajnih datuma i događaja, za rad mjesnih zajednica, za rad boračkih udruženja kao i za rad javnih ustanova koje je osnovala općina Banovići.

Budžet za građane općine Banovići je pojednostavljena verzija budžeta za 2020 godinu. i ona na najjednostavniji način prikazuje kako će se prikupljati i trošiti novci iz budžeta općine za 2020 godinu. s akcentom na troškove koji su smatramo posebno interesantni za naše građane.

Budžetom za građane smo nastojali da on bude pristupačan i razumljiv građanima.

S obzirom na to da u budžet općine novac od poreskih obveznika dolazi tokom čitave godine a obaveza općine Banovići je da sa njim raspolaže u najboljem interesu naše lokalne zajednice, te da građanima prezentiramo tačne i razumljive podatke uz pojednostavljen i ilustrovan pristup određene dijelove budžeta općine Banovići.



